



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

N.

**urn:nbn:de:hbz:466:1-14298**

ret, decrevit, ut nemo ex Regularium Superioribus peccatorum absolutiones sibi referret, exceptis iis quae sequuntur, aut omnibus, aut eorum aliquot, prout subditorum utilitati expedire prudenter in Domino judicaverint.

Veneficia, Incantationes, fortilegia.

Apostasia a Religione, sive habitu dimisso, sive retento, quando eo pervenerit, ut extra septa Monasterii seu Conventus fiat egressio. Nocturna, ac fugitiva e Monasterio, seu Conventus egressio etiam non animo apostarandi facta.

Proprietas contra votum paupertatis, quae sit peccatum mortale.

Iuramentum in Iudicio regulari seu legitimo.

Procuratio, auxilium, seu consilium ad abortum faciendum post animatum factum, etiam effectu non sequitur.

Falsificatio manus, aut sigilli Officialium Monasterii, aut Conventus. furtum de rebus Monasterii seu Conventus in ea quantitate, quae sit peccatum mortale.

Lapsus carnis voluntarius opere consummatus.

Occisio, aut vulneratio, seu gravis percusio, cuiusque personæ.

Malitiosum impedimentum, aut retardatio aut aperitio literarum à Superioribus ad inferiores, & ab inferioribus ad Superiora.

Si quod aliud præterea peccatum grave pro Religionis conservatione, aut pro conscientia puritate reservandum videbitur, id non aliter fiat, quam Generali Capituli in toto Ord. aut Provinc. in provincia, matura discussione, & consensu.

Non liceat Superioribus Regularibus con-

Sanctitas Sua deinceps declaravit & declarat, ut si hujusmodi Regularium Confessariis causus alicuius reservati facultatem penitentibus Superior dare noluerit, possint nihilominus Confessarii illa vice poenitentes Regulares, etiam non obtenta à Superiori facultate, absolvere.

## N.

### D E C R E T V M

#### Super forma recipiendi Novitios Regularium ad habitum & Professionem.



Anctissimus in Christo Pater & D. N. D. Clemens, Divina prouidentia Papa VII. qui alias pro Regularis disciplinae restituitione, singulis regularium Ordinibus, (quibusdam exceptis,) prohibuit, ne

ad Regularē habitum Novitios in posterum reciperent, receptosve ad professionem admitterent, quoisque in aliquibus, cuiusvis Ord: Monasteriis seu Conventibus (in quibus Novitiatus pro recipiendis & educandis Novitiis, designarentur & approbarentur) ad ejus,

ejus, quam professi sunt Regulæ præscriptum, vitam, moresque restituerent & compонerent, certior deinde factus, quosdam omnium sere Ordinum Conventus, seu Monasteria, ad pristinam illam regularem vivendi formam & disciplinam, quam diutius defideraverat, fuisse redacta: in eisdem Monasteriis, & Conventibus, ut Novitiatuſ erigi, Novitiique recipi posſent (sub certis tamen legibus, ac ea præfertim, ut licentia à Congreg. Reformationis Apostolicæ prius obtenta eſet) conceſſit, & ad illa designavit, & approbavit. Hinc volens, ut ea, quæ pro Novitiorum receptione, & institutione, de mandato Sanctitatis Suæ præscripta fuerunt, in posterum accuratius, & exactius obſerventur, ultra formam traditam in Constitutionibus fel. rec. Sixti Papæ V. etiam Sanctitatis Suæ super receptione Novitiorum; decrevit, ac præsentis Decreti virtute mandavit, ne in Conventibus, seu Monasteriis ad Novitios recipiendos, de Sanctitatis Suæ, seu dictæ Congregationis Reformationis licentia haec tenus designatis & approbatis, seu in posterum designandis & approbandis, Novitii ad habitum recipi ultra tenus possint, vel admitti, niſi prius ab ipsa Congreg. vel à propriis locorum Ordinariis, aut ab illis in quorum Diocesi Novitiatuſ existunt, in quibus Novitii recipiendi fuerint, exprefſe, & nominatim Novitii ipſi recipien- dii approbati fuerint, & ut recipi & admitti possint, licentiam in scriptis (gratis tamen in omnibus etiam quoad scripturam conceden- dam) obtinuerint. Monet autem Sanctitas Suæ

eosdem Ordinarios omnem curam & diligenciam adhibere, ut circa ætatem, conditionem, educationem, scientiam, vitam, & mores, cæterasque qualitates in ipsis Novitiis requiſitas, obſerventur institutiones pro illis recipiendis ab eadem Congreg. Reformationis factæ & publicatae, neque aliter, nec alio modo aliquem ad habitum recipi permittant; Ordinarij ipsorum conscientiam onerando, si quempiam approbaverint, vel admitti permiserint, qui non sit idoneus & juxta conſtitutiones, & institutiones prædictas, approbandus & admittendus. Firmis nihilominus remanentibus pœnis omnibus contra Superiores quorumcumque Ordinarij qui in admittendis ad habitum & professionem, Novitiis, formam conſtitutionum, & institutionum prædictarum non fervaverint, aut Novitium aliquem, quantumvis idoneum & approbatum, in quovis alio Conventu, & loco, seu Monasterio, præterquam in hac tenus à Sua Sanctitate, vel à dicta Congreg. designatis & approbatis, seu in posterum designandis & approbandis, vel ultra numerum in eorum singulis præscriptum, seu præscribendum re-cepient, vel admiserint, seu alias præmissis quovis modo contrafecerint. Irritum ex nunc & inane decernens quicquid fecus, vel alias quavis auctoritate à quovis gestum vel attentatum fuerit. Non obſtantibus quibuscumque. Datum Romæ, apud S. Petrum, die 19 Maii, 1602. Pontificatus ejusdem S. D. N. anno undecimo.

## O.

## INSTITIONES

super receptione & educatione Novitiorum Religiosorum in Monasteriis & Conventibus designatis, vel designandis, CLEMEN-  
TIS ejusdem jussu editæ.

**C**Vm ad regularem disciplinam in singulis Religiosorum Monasteriis propagandam; Novitiorum institutio maximè utilis sit, ac necessaria, & nihil ad gravem illam, ac laudatissimam priscorum Patrum, vivendi rationem relaxandam, majorem vim habuisse, compertum sit, quam vel nimium in recipiendis Novitiis facilitatem supra numerum, quem capere, atque alere Monasteria ipſa posſent,

vel negligentiam in probando & examinando eorum spiritu, an verè effet ex D E O, atque ex præcipuo illi inserviendi, vel denique incuriam in eis educandis atque instituendis. Idecirco, ut hujusmodi incommodo deinceps occurratur, præcipitur omnibus, & singulis, ad quos spectat, ut in recipiendis Novitiis, & in eorum institutione, atque educatione, nec non in ministri & aliorum ministrorum elecione, præter alia quæ in Sacris Canonibus, ac